


Prevansyon Krim epi Konsèy pou Entèvanyon

pou biznis ou ak anplwaye ou yo



Kenbe fenèt yo lib epi se pou yo fenèt ki rezistan ki p ap fè miyèt mòso

- Kite fenèt yo san ansèy, piblisite, epi san gwo bagay ki kouvri yo. Vizibilite ede lapolis entèvni pi rapid nan ijans yo.
- Kenbe limyè anedan yo limen pandan lannwit pou piblik la ak lapolis ka wè fasilman aktivite sispèk k ap dewoule anedan.
- Pou ajoute sekirite san bloke vizibilite a, enstale griyaj sekirite transparan, epi enstale fim sou fenèt yo ki rezistan ki p ap fè miyèt mòso.



Pwoteje deyò biznis lan

- Kenbe devan ak dèyè biznis ou byen limen toutan.
- Make klèman non ak adrès ri biznis la sou devan ak dèyè bilding ou an pou lapolis ka entèvni pi rapid nan ka dijans.
- Pwogram Amelyorasyon Vitrin Magazen an ka ede kouvri depans kalifye yo pou fenèt, limyè, griyaj sekirite ak plis toujou. Eskane kòd QR ki anba a pou plis enfòmasyon.



Kamera sekirite yo

- Enstale epi kenbe yon sistèm kamera sekirite kalite siperyè ki kouvri konplètman anedan ak deyò biznis ou.
- Kenbe ekipman anrejistreman an nan yon kote ki an sekirite.
- Pwogram Kamera Sekirite Biznis la ka ede kouvri depans kalifye yo pou yon sistèm kamera. Jwenn plis enfòmasyon sou paj annapre a oswa eskane kòd QR ki anba a.



Kenbe lajan kach nan yon minimòm

- Aksepte peman avèk kat epi ak smatfòn pou limite kantite lajan kach ki sou plas.
- Fè depo labank souvan men pa òganize yon modèl abitid vòlè yo ta ka swiv.
- Si pi gwo sòm lajan kach dwe rete sou plas, depoze lajan kach souvan kote piblik la pa wè nan yon kòfrefò an sekirite kwonometre ki sitiye nan yon kote ki an sekirite epi ki siveye.



Repons pou vòl

- Si y ap vòlè w, rete kalm, kolabore, epi pa reziste. Byennèt ou ak sekirite anplwaye ak kliyan w yo pi enpòtan pase kèlkeswa pèt.
- Eseye sonje detay osijè vòlè a epi nan ki direksyon li te sove.
- Lè li vin an sekirite pou fè sa, fèmen pòt ou epi rele 911. Bay lapolis tout videyo kamera a, yon lis pèt yo, ak enfòmasyon yo mande yo.



Entèvansyon pou si yo kase biznis ou

- Si yo kase biznis ou, rele 911 imedyatman. Pa antre nan bilding lan san yon ajan lapolis paske vòlè a gendwa anedan toujou. Pa manyen anyen paske ou ka deranje prèv ki ka genyen yo.
- Bay lapolis tout videyo kamera a, yon lis pèt yo, ak enfòmasyon yo mande yo.
- Mete an sekirite tout pwen dantre ki andomaje yo oswa zòn frajil yo epi chanje lòk kle yo.



Eskane kòd QR lan pou plis prevansyon krim epi konsèy pou entèvansyon ansanm ak lyen ki mennen nan resous pou biznis yo.

phila.gov/business/crime-prevention-tips



Department of
Commerce
CITY OF PHILADELPHIA

Resous pou Biznis yo

pou ede kenbe oumenm ak anplwaye w yo an sekirite



Pwogram Kamera Sekirite Biznis

Pwogram Kamera Sekirite Biznis la ankouraje biznis yo enstale kamera deyò sou pwopriyete komèsyal yo a. Patisipan yo ka resewa jiska 75 pousan nan depans total ki kalifye pou yon sistèm kamera sekirite, rive jiska \$3,000.



Eskane kòd QR lan pou konnen kalifikasyon pou pwogram lan, machaswiv yo, epi aplikasyon sou entènèt la. Patisipan yo dwe aplike pou pwogram lan anvan yo fè kèlkeswa enstalasyon.

phila.gov/programs/business-security-camera-program



Pwogram SafeCam

SafeCam pèmèt biznis yo enskri kamera yo nan Depatman Lapolis Filadèlfi an (Philadelphia Police Department, PPD) pou ede nan investigasyon yo. Biznis la pa oblije bay videyo si yo mande l epi PPDpa janm gen aksè a distans pou wè okenn videyo andirèk oswa videyo ki estoke.



Eskane kòd QR lan pou enskri kamera w jodi a menm!

safecam.phillypolice.com



Evalyasyon Sekirite Biznis

Depatman Lapolis Filadèlfi an bay Evalyasyon Sekirite Biznis gratis pou ede biznis yo konprann risk pou sekirite yo epi ofri yo konsèy sou sekirite. Sèvis sa a disponib nan distri PPD lokal biznis lan.



Eskane Kòd QR lan pou jwenn distri lapolis lokal ou. Rele epi mande pou w pale avèk Ajan Relasyon Kominotè a epi mande yon Evalyasyon Sekirite Biznis.

phillypolice.com/districts



ReadyPhiladelphia

Eskane Kòd QR lan pou jwenn distri lapolis lokal ou. Rele epi mande pou w pale avèk Ajan Relasyon Kominotè a epi mande yon Evalyasyon Sekirite Biznis. Pou enskri, tèks ReadyPhila nan 888-777



Swen ki teni kont de chòk pase

Sèvis yo disponib pou moun ak kominote ki gen detrès anrapò avèk krim ak vyolans. Vizite HealthyMindsPhilly.org oswa rele Liy Filadèlfi pou Sitiyasyon Kriz la nan 988.



Eskane kòd QR lan pou plis prevansyon krim epi konsèy pou entèvansyon ansanm ak lyen ki mennen nan resous pou biznis yo.

phila.gov/business/crime-prevention-tips



Department of
Commerce
CITY OF PHILADELPHIA